



МОНГОЛ УЛС  
ГОВЬ-АЛТАЙ АЙМГИЙН  
ЗАСАГ ДАРГЫН  
АЛБАН ДААЛГАВАР

2021 оны 06 сарын 08 өдөр

Дугаар 02

Алтай хот

## Төсвийн хэрэгжилтийг зохион байгуулах тухай

Монгол Улсын Төсвийн тухай хууль болон холбогдох бусад хууль, тогтоомжийн хэрэгжилтийг хангах, аймаг дахь Төрийн аудитын газрын аudit, Санхүүгийн хяналт, аудитын албаны хяналт шалгалтаар илэрсэн зөрчлийг арилгах, төсвийн сахилга хариуцлага, түүнд тавих хяналтыг сайжруулах зорилгоор ДААЛГАХ нь:

Нэг. Төсвийн ерөнхийлөн болон шууд захирагч нарт:

1.1. Бүх шатны төсвийн орлогын төлөвлөгөөг орлогын нэр төрөл бүрээр, батлагдсан хуваарийн дагуу бүрэн төвлөрүүлж, урьд онуудын татварын авлагыг бүрэн хураан барагдуулах;

1.2. Усны тухай хуулийн хэрэгжилтийг ханган ус ашиглагчдын үйл ажиллагаанд байнгын хяналт тавьж, зөвшөөрөлгүй ус ашиглах явдлыг таслан зогсоох, ус ашиглагчдад мэргэжлийн байгууллагын дүгнэлтийг үндэслэн зөвшөөрөл олгох, гэрээний хэрэгжилтэд хяналт тавих;

1.3. Үл хөдлөх эд хөрөнгийн албан татварын тухай хууль болон Татварын ерөнхий газрын дарга, Улсын бүртгэлийн ерөнхий газрын даргын 2019 оны А/268, А/1345 дугаар хамтарсан тушаалаар баталсан “Татвар төлөгчийн бүртгэлийн журам”-д заасны дагуу үл хөдлөх эд хөрөнгийн баазыг цэгцлэх ажлыг 06 дугаар сарын 30-ны дотор зохион байгуулах;

1.4. Орон нутгийн хөгжлийн сангийн мэдээллийн системд 2018-2020 оны мэдээллийг 06 дугаар сарын 30-ны дотор, цаашид мэдээллийг тухай бүр нь бүрэн оруулж иргэдийг мэдээлэл авах боломжоор ханган ажиллах;

1.5. Засгийн газрын 2021 оны “Төсвийн хэмнэлтийн талаар авах зарим арга хэмжээний тухай” 43 дугаар тогтоолын хэрэгжилтийг ханган батлагдсан төсвийн 10-аас доошгүй хувийг хэмнэж ажиллах;

1.5.1. Шинээр орон тоо нэмэгдүүлэхгүй, ажлын байрны ачааллыг нягтуулах;

1.5.2. Төрийн албан хаагчийн ажлын үр дүнг бодитой дүгнэж, батлагдсан төсвийн хүрээнд үр дүнгийн урамшууллыг хагас, бүтэн жилээр тооцон олгох; (Боловсрол, эрүүл мэндийн байгууллагаас бусад)

1.5.3. Засгийн газрын 2018 оны 382 дугаар тогтоолын дагуу салбарын журам батлагдан гаргаагүй тохиолдолд үр чадварын нэмэгдлийг хавтгайруулж олгохгүй байх;

2.

1.5.4.Ажил хавсран гүйцэтгэсний нэмэгдлийг зөвхөн хууль, Улсын Их Хурал, Засгийн газрын тогтоол, салбарын сайд, Сангийн сайдтай хамтран гаргасан тушаалын дагуу олгох;

1.5.5.Нийгмийн даатгалын шимтгэл, хувь хүний орлогын албан татварын төлбөр тооцоог цалингийн гүйлгээтэй хамт хийж, өр төлбөр үүсгэхгүй байх;

1.5.6.Төвлөрсөн халаалт бүхий сумдын төрийн байгууллагуудыг нэгдсэн системд бүрэн холбох, халаалтыг чанар, хяналтын хуудсыг үндэслэн төлбөр тооцоог хийх, өмнөх оны нүүрсний нөөцийг бүрэн ашиглах, татан авсан нүүрсний хадгалалт, хамгаалалтыг сайжруулж, зуухны нэг аманд өдөрт хэрэглэгдэх нүүрсний нормыг баримтлан түлш халаалтын зардлыг өмнөх оны гүйцэтгэлээс 5-10 хувь бууруулах;

1.5.7.Шугамын алдагдлыг засварлаж, ногоон байгууламжийн усалгааг тогтмол цагийн хуваарьт оруулан цэвэр, бохир усны зардлыг өмнөх оны гүйцэтгэлээс 5-10 хувь бууруулах;

1.5.8.Бичиг хэрэг, албан хэрэг хөтлөлтийг байгууллагын дотоод сүлжээнд цахим хэлбэрт шилжүүлэх замаар бичиг хэрэг, цаас, хувилагч, хэвлэгчийн хорны зэрэг зардлыг 40 хувь бууруулах;

1.5.9.Зам, тээврийн хөгжлийн сайдын 2019 оны 390 дүгээр тушаалыг мөрдөн ажиллаж, албан ажлын автомашиныг аймаг, сум дотор ажлын зайлшгүй тохиолдлоос бусад үед хэрэглэхгүй байж тээвэр, шатахууны зардлыг 40 хувь бууруулах; (Эрүүл мэндийн салбараас бусад)

1.5.10.Салбарын хэмжээнд хийх сургалт, семинар, хурал, зөвлөгөөн болон газар дээрх хяналт-шалгалт зэргийг цахим хэлбэрээр зохион байгуулж хичээл үйлдвэрлэлийн зардал, дотоод албан томилолтын зардлыг тус тус 20 хувь бууруулах;

1.5.11.Шинээр автомашин, албан конторын тавилга, багаж техник хэрэгсэл, албаны болон ажлын дүрэмт хувцас худалдан авахгүй байх;

1.5.12.Нэг удаагийн буцалтгүй тусламж, шагнал урамшууллыг хавтгайруулан олгохгүй байх, сум байгууллагын тэгш ой, тэмдэглэлт өдрөөр төсвийн хөрөнгөөс зардал гаргахгүй байх;

1.5.13.Өндөр насны тэтгэвэр тогтоолгосон, мөнгөн тэтгэмж авсан иргэдийг буцааж томилон ажиллуулахгүй байх;

1.6.Засгийн газрын 2012 оны 205 дугаар тогтоолоор батлагдсан “Төрийн сангийн үйл ажиллагааны журам”-ын хэрэгжилтийг ханган санхүүгийн иж бүрэн анхан шатны баримтыг (и-баримт) үндэслэн төлбөр тооцоог гүйцэтгэх, төсвийн гүйцэтгэлийн сарын мэдээг үнэн зөв, хугацаанд нь гаргах, мэдээлэх, нэгтгүүлэх;

1.7.Аудитаар илэрсэн зөрчил, дутагдлыг арилгах, давтан гаргахгүй байх, шийдвэрийн хэрэгжилтийг улирал бүр тооцон, биелэлтийг заасан хугацаанд нь хүргүүлэх;

1.8.Өмнөх онуудад үүссэн өглөг, авлагыг бүрэн барагдуулах, шинээр өглөг, авлага үүсгэхгүй байх, өөрчлөлтийг сар бүр мэдээлэх, батлагдсан төсвийг зориулалтын дагуу зарцуулах, шүүхийн шийдвэрээр олгосон цалингийн нөхөн олговрын авлагыг аймгийн прокурорын байгууллагатай хамтран шүүхийн байгууллагад хандан яаралтай шийдвэрлүүлэх;

1.9.Сангийн сайдын 2019 оны 282 дугаар тушаалаар баталсан “Төсвийн хөрөнгө оруулалтаар хэрэгжүүлэх төсөл, арга хэмжээг төлөвлөх, санхүүжүүлэх, хянах, тайлагнах журам”-ын хэрэгжилтийг ханган хөрөнгө оруулалтын дунд хугацааны төлөвлөлтийг олон нийтийн саналыг харгалзан холбогдох журмын дагуу оновчтой тодорхойлж, үр ашгийг нэмэгдүүлэх, төсвийн хөрөнгийн зарцуулалтад тавих хяналтыг сайжруулан ажлын явц, гүйцэтгэл, санхүүжилтийн мэдээллийг иргэдэд, ил тод, нээлттэй болгох;

1.10. Сангийн сайдын 2012 оны 276 дугаар тушаалаар баталсан “Төсвийн байгууллагын мөнгөн кассын ажиллагааны журам”-ын хэрэгжилтийг ханганд арилжааны банкинд байршиж байгаа картын бүртгэлийн дансыг журамд заасан лимитээс хэтрүүлэн санхүүжүүлэхгүй байх, картын дансны тайланг үндэслэн дараагийн санхүүжилтийг хийж хэвших;

1.11. Сумд үйл ажиллагаа явуулж байгаа аж ахуйн нэгж байгууллагуудыг гэрээт няглан бодогчтой болгох;

1.12. [www.tender.gov.mn](http://www.tender.gov.mn) цахим систем, худалдан авах ажиллагааг хариуцах албан тушаалтныг тусгайлан томилж, гүйцэтгэлийг үнэлэх, цахим системд 20,000,001 сая төгрөгөөс дээш өртөгтэй бараа, ажил, үйлчилгээний худалдан авах ажиллагааг заавал зохион байгуулах;

Хоёр. Орон нутгийн өмчийн газарт:

2.1. Улсын болон орон нутгийн төсөв, аймаг, сумын орон нутгийн хөгжлийн сан, гадаад, дотоодын төсөл хөтөлбөр, зээл, тусlamж, хандив, бэлэглэлээр бий болсон эд хөрөнгийг орон нутгийн өмчид бүртгэх, хөрөнгийн эзэмшигч байгууллагыг тодорхойлох, өмчийн эзэмшилт, ашиглалт, бүртгэлийг сайжруулахад сум, байгууллагуудыг тасралтгүй удирдлагаар ханганд, хэрэгжилтийг тооцон ажиллах;

2.2. Өмч эзэмшлийн гэрээг шинэчлэн байгуулж, гэрээнд заасан хугацаанд дүгнэж хэвшихийн зэрэгцээ төрийн байгууллагын барилга, тээврийн хэрэгслийн хувийн хэрэг хөтлөлтийг сайжруулах, төрийн байгууллагын эзэмшил газрыг улсын бүртгэлд бүрэн хамруулж, тухайн байгууллагын няглан бодох бүртгэлд бүртгэх ажлыг холбогдох байгууллагуудтай хамтран шуурхай зохион байгуулах;

2.3. Өмч хамгаалах байнгын зөвлөлийн үйл ажиллагааг эрчимжүүлж, орон нутгийн өмчийн эд хөрөнгийг бэлтгэх, актлах, шилжүүлэх, худалдах, хувьчлах асуудлаар санал боловсруулж шуурхай шийдвэрлүүлэн, шийдвэрийн хэрэгжилтийг тухай бүр нь хангуюулж хэвшиүүлэх;

2.4. Сангийн сайдын 2018 оны 281 дүгээр тушаалаар баталсан “Төрийн болон орон нутгийн өмчийн хөрөнгөөр бараа, ажил, үйлчилгээ худалдан авах ажиллагааг төлөвлөх, тайлагнах журам”-ыг бүрэн хэрэгжүүлж, сумдыг тасралтгүй удирдлагаар ханганд ажиллах;

Гурав. Санхүүгийн хяналт, аудитын албанад:

3.1. Шилэн дансны тухай хуулийн хэрэгжилтэд тасралтгүй хяналт тавьж, мэдээллийн сан бүрдүүлэх, гүйцэтгэлийг улирал бүр тооцон зөрчил гаргасан албан тушаалтанд хариуцлага тооцох саналыг эрх бүхий албан тушаалтанд хүргүүлж биелэлтэд хяналт тавих;

3.2. Засгийн газрын 2011 оны 311 дүгээр тогтоолын хэрэгжилтийг ханганд Төсвийн ерөнхийлөн захирагч болон төвлөрүүлэн захирагчийн багцад харьяалагдах байгууллагуудын дотоод хяналтын нэгж, ажилтны төлөвлөгөө, гүйцэтгэлийн тайланг сар бүр хүлээн авч нэгтгэн мэдээллийн сан бүрдүүлж, эрсдэлд суурилсан хяналт шалгалтыг хийж хэвшиүүлэх;

Дөрөв. Албан даалгаврын хэрэгжилтийг улирал бүр тооцон дараа сарын 10-ны дотор тайлагнахыг төсөв захирагч нарт, хэрэгжилтийг нэгтгэн дүгнэж, хяналт тавьж ажиллахыг Санхүү төрийн сангийн хэлтэс (Х.Баатарзориг), Хяналт-шинжилгээ, үнэлгээ, дотоод аудитын хэлтэс (Л.Хаш-Эрдэнэ)-т тус тус үүрэг болгосугай.

ЗАСАГ ДАРГА

О.АМГАЛАНБААТАР